

[点校本]

中國醫學大成終集

方 劑

[四丙]



中国医学大成终集



〔点校本〕

方剂
〔四丙〕



外台秘要

唐·王焘撰

原编 曹炳章

外台秘要(二十九—四十卷)

〔唐〕王 焘 撰

唐·王焘先生外台秘要方
第二十九卷

宋朝散大夫守光禄卿直秘阁判登闻鼓院

上护军臣林亿等 上进

新安后学程衍道敬通父 订梓

重订唐·王焘先生外台秘要方

第二十九卷目录 坠堕金疮等四十七门

- | | |
|------------------|------------------|
| 从高堕下方三首 | 诸疮中风寒水露方五首 |
| 从高堕下瘀血及折伤内损方一十八首 | 被刀箭伤方一十一首 |
| 坠损方三首 | 竹木刺不出方一十六首 |
| 坠落车马方六首 | 狐尿刺方二首 |
| 折骨方三首 | 狐刺方五首 |
| 伤筋方三首 | 恶刺方三首 |
| 筋骨俱伤方七首 | 灸疮方四首 |
| 折腕方一首 | 灸疮脓不差方三首 |
| 折腕瘀血方四首 | 火烧疮及火油天火疮方三首 |
| 蹉跌方三首 | 火灼烂坏方五首 |
| 被打有瘀血方一十三首 | 汤火所灼未成疮及已成疮方一十一首 |
| 被打损青肿方七首 | 汤火疮无问大小方四首 |
| 许仁则疗吐血及堕损方三首 | 汤火烂疮方五首 |
| 金疮禁忌序一首 | 汤煎膏火所烧方四首 |
| 金疮预备膏散方三首 | 漆疮方二十七首 |
| 金疮方一十一首 | 侵淫疮方七首 |
| 金疮续筋骨方三首 | 月蚀疮方一十二首 |
| 金疮止痛方五首 | 代指方一十一首 |
| 金疮生肌方四首 | 甲疽方五首 |
| 金疮去血多虚竭内补方二首 | 肉刺方二首 |
| 金疮中风方八首 | 手足皴裂方五首 |



手足逆胠及瘰坏方二首

疣目方一十九首

去黑子方二首

疣赘疵黑子杂疗方六首

灭瘢痕方一十七首

② 从高堕下方三首

《千金》疗丈夫从高堕下，伤五藏，微者唾血，甚者吐血，及金疮伤绝〔1〕崩中皆主之方。

阿胶炙 干姜各二两 艾叶 芍药各三两

上四味切，以水八升，煮取三升，去滓，入胶令消，分二服，羸人三服。女人产后、崩中伤，下血过多虚喘，腹中绞痛，下血不止，服之悉愈。

又疗从高堕下泻血，及女人崩中方。

当归二分 大黄一分〔2〕

上二味捣为散，酒服方寸匕，日三。范汪同。并出第二十六卷中。

《千金翼》胶艾汤，主男子伤绝，或从高堕下伤五藏，微者唾血，甚者吐血及金疮经内绝者方〔3〕。

阿胶炙 艾叶 芍药 干地黄各三两 干姜 当归 甘草炙 芎藭各二两

上八味切，以水八升，煮取三升，去滓，内胶令烊，分再服，羸人三服。此汤正主妇人产后、崩中伤，下血多，虚喘欲死，腹痛〔4〕血不止者，服之良。出第十九卷中。

〔1〕 尚德按：《千金》“绝”作“经”，“艾叶二两”。

〔2〕 尚德按：《千金》“大黄二分”。

〔3〕 尚德按：《千金》“阿胶、艾叶各二两”，“干姜一两”。

〔4〕 又按：“痛”字下《千金》有“下”字。



② 从高堕下瘀血及折伤内损方一十八首

《广济》疗从高堕下，内损瘀血，消血散方。

蒲黄十分 当归 干姜 桂心各八分 大黄十二分 虻虫四分，去足翅熬

上六味捣为散，空腹以酒服方寸匕，日再，渐渐加至一匕半。忌生葱、猪犬肉。出第四卷中。

《肘后》疗卒从高堕下，瘀血胀心，面青，短气欲死方。

取胡粉一钱匕，以水服之。《备急》、文仲同。

又方：

煮大豆或小豆令熟，饮汁数升，和酒服之，弥佳。《千金》、《备急》、文仲同。一云大豆二升，煮令熟，取汁二升，去豆以醇酒六七升，和饮之，一日饮尽，小豆亦佳。

又方：

生干地黄二两熬末，以酒服之。

又方：

生地黄捣取汁，服一升或二升，尤佳。

又方：

乌鸦翅羽二七枚烧末，酒和服之，即当吐血也，如得左羽〔1〕尤佳。

又疗从高堕下，若为重物所顿竿得瘀血方。

豆豉三升沸，汤二升渍之，食顷，绞去滓，内蒲黄三合，搅调，顿服之，不过三四服，神良。《删繁》、《小品》、文仲、《备急》、《集验》、《千金》同。

〔1〕 通按：“左翅”《图经》作“右翅”。

又方：

乌梅五升去核，以饴糖五升煮，稍稍食之，自消。文仲、《备急》、《千金》同。

又方：

取茅连根叶捣绞，取汁一二升服之，不过三四服愈。冬用根。

又方：

刮琥珀屑，酒服方寸匕，取蒲黄二三匕，日四五服良。

又方：

末鹿角，酒服三方寸匕，日三。《千金》同。

又方：

取败蒲蓂烧灰，以酒服方寸匕。并出第三卷中。

《深师》疗从高堕下伤内，血在腹聚不出，疗下血方。

取好大黄二两 桃人三十枚

上二味捣，以水五升，煮取三升，分为三服，去血后，作地黄酒服，随能服多少，益血过百日成微坚者，不可复下之，虚极杀人也。

又疗堕落瘀血，桃枝汤方。

桃枝一握中指长，剉 芒硝五分 大黄四两 当归 甘草 炙 桂心各二两 虻虫二十枚，去翅足熬 水蛭二十枚，熬 桃人五十枚，去尖皮熬

上九味咬咀，以水八升，煮取三升，去滓，温分三服，内消。

又疗堕落积瘀血，消血理中膏方。

大黄二两 猪脂二斤 桂心一两 干姜一两 当归二两 通草 乱发各一两

上七味切，以膏煎发令消尽，捣药下筛，须令绝细，下膏置地，内诸药搅匀，微火煎之，三上三下，即药成，去滓，以好酒服一两，日二服，一方不去滓。并出第二十六卷中。

《千金》疗从高堕下，及被木石所连，或因落马，凡是伤损血瘀



凝积，气急欲绝，无不疗方。

净土五升蒸之令极热，分半，以故布数重裹之，熨病上，勿令大热，恐破肉，候冷即易之，以痛止即已。但有损伤，并以此法疗之，神效。已死不能言者，亦活，三十年亦差。

又疗从高堕下，损有瘀血方。

蒲黄八两 附子一两，炮去皮，末

上二味为散，以酒服五六钱匕，日三，不知，增之。并出第二十六卷中。

《近效》土质汗，疗折伤内损有瘀血，每天阴则疼痛，兼疗产妇产后诸疾神效方。《开宝本草》云：质汗，主金疮伤折，瘀血内损，补筋，消恶血下血，妇人产后诸血，并酒消服之，亦数病处。出西蕃，如凝血，蕃人煎甘草、松泪、桤乳、地黄并热血成之。今以益母成煎，故谓之土质汗也。

三月采益母草一重担。一名夏枯草。

上一味，揀择去诸杂草及干叶，以新水净洗，于箔上摊晒，令水尽，则用手掇〔1〕断，可长五寸匕，勿用刀切，即置镬中，量水两石，令水高草三二寸，则纵火煎，候益母草糜烂，水三分减二，漉去草，取五六斗汁，泻入盆中，澄之半日，以绵滤取清汁，盆中滓淀并尽弃之，其清汁于小釜中慢火煎，取一斗如稀汤，每取梨许大，煖酒和服之，日再服，和羹粥吃并得。如远行不能，将稀煎去即更炼令稠硬，停作小丸服之，七日内则疼痛渐瘳，二七日平复。或有产妇恶露不尽及血运，一两服即差。其药兼疗风，益心力，无所忌。郑长史处，吏部李郎中服之得力。

〔1〕 通按：掇音列，折也。

④ 坠损方三首

《广济》疗坠损骨肉，苦疼痛不可忍方。

故马毡两段，其毡欲得故腻者，于铛中以酒五六升，著一抄盐，煮令热，即内毡于铛中，看毡热，便用裹所损处，冷即易之，勿令久热伤肉，如是的三五遍，痛定即止，仍服止痛药散，即渐差。

又疗男子虚劳坠伤内损，吐血不止欲死，面目黑如漆者，悉主之方。

黄耆 芎藭 当归 芍药各三两 甘草三两，炙 生姜
八两

上六味切，以水九升，煮取二升五合，去滓，分温三服，服别相去六七里。并出第四卷中。

《近效》疗坠损方。

生地黄一斤，分为三分。

上每服取一分，熬令焦黄，以酒半升煎一两沸，绞去滓，令温煖得所，食前，日三。无所忌。马坠亦疗之。



④ 坠落车马方六首

《肘后》疗忽落马堕车，及坠屋坑崖腕伤，身体头面四肢内外切痛，烦躁叫唤不得卧方。

急觅鼠矢，无问多少，烧捣末，以猪膏和，涂封痛处，急裹之。仍取好大黄如鸡子大，以乱发裹上，如鸭子大，以人所裁白越布衫领巾间余布以裹发外，乃令火烧，烟断捣末，屑薄，以酒服，日再三。无越布，余布可强用，常当预备此物为要。《备急》、《集验》、《古今录验》同。出第三卷中。

《千金》疗凡人坠落车马，心腹积血，唾吐血无数方。

干藕根末，酒服方寸匕，日三。如无，取新者捣取汁服之，尤妙。

又疗堕马及树^{〔1〕}崩，瘀血腹满短气方。

大豆五升，水一斗，煮得二升半，去豆顿服，剧者不过三服。并出第二十六卷中。

《千金翼》疗落马堕车，及诸伤腕折臂脚，疼痛不止方。

黄耆 芍药各三两 干地黄 当归 附子炮 通草 续断 桂心 干姜各二两 蜀椒一合，汗 乌头半两，炮

上十一味捣为散，先食酒服五分匕^{〔2〕}，日三。忌如常法。本方有大黄一两，又云服方寸匕。出第十九卷中。

《救急》疗坠马落车被打，伤腕折臂，呼唤痛声不绝，服此散呼喻之间不复大痛，^{〔3〕}三日筋骨相连，当归散方。

〔1〕 尚德按：《千金》“树”字下有“间”字，无“瘀”字，“煮取二升”。

〔2〕 尚德按：《千金翼》“先食訖温酒服一方寸匕”。

〔3〕 尚德按：《千金》注引之。“三”字上有“十”字。

当归熬令香 桂心 甘草炙 蜀椒汗,各二分 芎藭六分,熬
附子炮 泽兰熬,各一分

上七味捣为散,酒服方寸匕,日三。小儿被奔车马所损裂,其
膝皮肉决见骨,即绝死,小苏啼不可听闻,服之便眠,十数日便行
走,其神验如此。忌同前方。《千金翼》、《深师》同。出第六卷中。

《近效》疗堕马内损方。

取廕^{〔1〕}药一小两,捣为末,牛乳一盞,煎五六沸,和服。李谏
议云,廕药以羊肉汁和服,一日内不用吃菜,极效。第一卷中。

〔1〕 通按:廕音碯,廕药生胡国,似干茅黄。



⑧ 折骨方三首

《肘后》疗凡脱折折骨诸疮肿者，慎不可当风卧湿，及多自扇，若中风则发痙口噤杀人，若已中此，觉颈项强，身中急束者，急服此方。

竹沥饮三二升。若口已噤者，可以物拗开内之，令下，禁冷饮食及饮酒。竹沥卒烧难得多，可合束十许枚，并烧中央，两头承其汁，投之可活。《小品》、《备急》、文仲、《古今录验》同。出第三卷中。

《千金》疗腕折骨痛不可忍方。

取大麻根叶，无问多少，捣取汁，饮一小升。无生青者，以干者煮取汁服，亦主堕坠打捶瘀血，心腹胀满短气良。出第二十六卷中。

《救急》疗骨折，接令如故，不恨人畜也方。

取钴铤^{〔1〕}铜错取末仍捣，以绢筛，和少酒服之，亦可食物和服之，不过两方寸匕以来，任意斟酌之。出第九卷中。

〔1〕 通按：钴铤文古葬，尉□也。

④ 伤筋方三首

《千金》疗被伤筋绝方。

取蟹头中脑，及足中髓熬之，内疮中，筋即续生。

又方：

捣葛根汁饮之，葛白屑熬令黄，敷疮止血。并出第二十六卷中。

《救急》续断筋方。

取旋复草根净洗去上^{〔1〕}，捣，量疮大小取多少敷之，日一易之，以差为度。《必效》同。出第九卷中。

〔1〕 注：“上”疑当作“土”。